

INUIT ATAQATIGIIT

Inatsisartuni



1. marts 2017

Inatsisartut suleriaasiat §37 naapertorlugu Naalakkersuisunut apeqquteqaat:

- 1. Ukiuni tulliuuttuni inissianik, illunik sanaartornissaq eqqarsaatigalugu, aningaasaliissutit qanoq tullerriaarnissaat naatsersuutigineqarpa?**
- 2. Kommune Kujallermi sumiiffinni illunik inissiallu isaterinissaq qanoq takorloorneqarpa?**
- 3. Illoqarfinni nunaqarfinnilu inissiat illullu isaterneqartussat tartissaanik sanartornissamut qanoq pilersaaruteqartoqarpa?**
- 4. Nanortalimmi ukioq mannamii inissiarsuarni najugallit arlallit allamik inisarsiuunneqartariaqassapput inigisaasa isaterneqarnissaat pissutigalugu. Inissiarsuit qassit katillugit ukioq manna Nanortalimmi isaterniarneqarpat?**
- 5. Inissiat taartissaanik sanartortoqarnissaanik Naalakkersuisuniit pilersaaruteqartoqarpa?**
- 6. Illoqarfinni nunaqarfinnilu sorlerni inissanik illunillu nutarterinissamik iluarsartuussinissamillu pilersaaruteqartoqarnerluni?**

(Debora Kleist, Inatsisartuni ilaasortaq, Inuit Ataqatigiit)

Tungavilersuut:

Ukiuni kingullerni aammalu aggersuni ilisimavarput illunik inissianillu isaterineq piffinni ingerlanneqartoq aammalu ingerlanneqartussaasoq. Isaterinerup malitsigisassarissavaa inissianik illunillu nutaanik piffinni periarfissiinissaq sanaartornissamut.

Aammattaq inissialiornermut, pisortallu sullissiveqarfiinik ilinniartullu inissaannik sanartornissaq sulii pisariaqartinneqarpoq. Taammaattumik aningaasaliisutaasut qanoq atorluarniarneqasansut paaserusunnarpoq.

Ullut suliffiusut qulit ingerlaneranni apeqqutimma akineqarnissaat kissaatigivara.